



欽定周官義疏

御製三禮義疏序

三禮之傳遠矣周禮六

官河間獻王上之儀禮

十七篇禮記四十九篇

高堂生戴聖傳之漢唐

以來箋疏訓釋無憲數
十家考其義或相牴牾
先儒嘗譏其聚訟要其
掇拾灰燼之餘傳先王
制作之舊得什一於千

百好古者所爲鄭重而
愛惜也我

皇祖聖祖仁皇帝表章羣

經既

御纂周易折中而詩書春

秋則以分授儒臣纂輯
義疏頒布海內惟三禮
未就朕御極之初儒臣
上言今當經學昌明禮
備樂和之會宜纂輯三

禮以藏五經之全爰允
其請開館編校越十有
一年冬告竣夫禮之所
爲本於天殺於地達之
人倫日用行於君臣父

子兄弟夫婦朋友之間
斯須不可去者天不變
道亦不變此其本也其
制度品節服物采章隨
時損益屢變以適其宜

者禮之文也三代去今
數千年矣修其教而教
明循其道而道行謂三
代至今存可也何則其
本得也若其用之朝廷

邦國名物器數之具周
旋進退之儀雖先王處
此必將變通以適其宜
而不泥於其迹故言禮
者惟求其修道設教之

由以得夫禮之意而已
顧其教之不泯道之所
由傳未嘗不賴於經好
學深思之士讀其書有
惜不能俯仰揖讓於其

間者先王制作之精意
尚可想見於挹殘守闕
之餘則經傳之爲功也
大矣鼎彝鉤劍之遺篆
籀之蹟流傳有自尚摩

準而寶護之況制作之
精意所賴以傳者歟獨
其貿於衆說無所取衷
爰命校纂諸臣芟煩截
浮約文申義敷暢厥旨

至其說之不可強同者
稍為辨正而仍其舊蓋
其承傳各異必牽合附
會比而同之則其惑也
滋甚故無恥焉刻既成

爲之敘論以發其端俾
隆禮者有所考云

乾隆十三年冬十月朔

勅敬書

經筵講官兵部尚書加一級臣梁詩正奉

太子太保協辦大學士湖廣總督兼署湖廣巡撫臣李鴻章謹

奏為遵

旨設局刊書隨時頒布以資實學而廣人材恭摺奏祈

聖鑒事竊查接管卷內准禮部咨議覆御史范熙溥奏軍務

肅清省分亟應振興文教請將所屬書院妥為整頓奉

旨依議欽此續又准咨同治六年五月初二日奉

上諭鮑源深奏請刊刻書籍頒發各學一摺等因欽此恭錄

行知均經前署督臣李瀚章前撫臣曾國荃會商辦理

省城江漢書院業已建復舊規照常甄別錄課其外府

州縣本有書院之地亦皆先後興葺次第繕完延師月

課士氣蒸蒸日上於六年十月十五日開設書局派委候

補道張炳堃補用道胡鳳丹妥為經理惟楚省三次失陷遭亂最深士族藏書散亡殆盡各處書板全燬坊肆無從購求此次設局刊書祇可先其所急除四書十三經原註讀本為童蒙肄習之書業經刊刻頒行各學外伏思

欽定七經

御批通鑑集經史之大成尤為士林圭臬其餘說文文選牧令政治等書亦皆切於日用節經訪覓善本次第開雕現在浙江江甯蘇州湖北四省公議合刻二十四史照汲古閣十七史板式行數字數較各家所刻者為精密擬即分認校刊選派樸學員紳悉心核對添募工匠陸續